



De Unkel.

Kennschde de Unkel Bräsig
Wie 'n Frik Reider molt?
Wie er ganz iwermäßig
Die Nothberschaft verkohlt,
E Herr schun in de Johre,
Dermähnscht noch Junggesell,
Noch nooh de alde Moore,
Deß is so es Modell.

's Modell vun some Unkel,
Denn jeds als seiⁿ bedracht,
Un denn mr, wie mr munkelt,
In die Familie schlacht,
Hat Saches se verzehre,
Gebbt's aah kⁿ diefer Drunk
Zum Schmäächle un Gladeere
Isses grad Grund genung.

Ë Freind vun all de Kinner,
Wo er sich blicke loßt,
Do kummen se vor un hinner
Em Unkel schun gedroßt.
Sie fangen en un hasche
Die Krotte wissens gleich
Die Säck all un die Dasche
Hat er voll Zuckerzeig.

Un werr'n die Kinner greeßer,
Besonners sinns die Määd,
Die dann als schlaue Öser
Ihm schmäächle frieh un schbät.
Un dreiw'en se mit seim Alder
Nah manchen dolle Scherz,
Er fiehlt sich noch als Falder
Un wirrer jung seiⁿ Herz.

Pünktlich un regelmäßig
Lebt Dag vor Dag er hiⁿ
Verseimt wie Unkel Bräsig
Räⁿ Schfat un Schoofsbardie.
Hartkeppig un grundehrlich,
Gradaus ge' jerermann —

Im Zwirge u"gefehrlich,
Waß will mer mähner dann.

Mer hann in de Familie
Nah enn vun dem Format;
Dem zeig ich ledscht deß Bildche,
Waß mähnen ehr waß er saht?
„Du kannscht net iwel roore,
Doch ebbes haicht vergeß —
Daß ich zum Hammelsbroore
Am liebichte Schbargle eß.“

